

家渡。濟江陷建康。杜充及守臣皆降。於兀朮。通判楊邦乂不從。刺血書裙。曰。寧為趙氏鬼。不作他邦臣。衆擁見兀朮。誘諭累日。輒叱罵。卒大罵見殺。兀朮長驅陷杭州。上去已七日。兀朮進陷越州。四年春。陷明州。時上已次台州。章安鎮。金人以船犯昌國縣。欲追襲上舟。提領海舟張公祐引大船擊散之。乃退回兵。陷秀平江常州。至鎮江。韓世忠邀之。以海舟與戰。數十合。多俘獲。伏卒金山龍王廟。幾獲兀朮。相持於黃天蕩。兀朮求假道甚恭。不許。欲自建康北歸。不得去。或教於治城西南隅蘆塲地鑿大渠。一夕成。次早出舟趨建康。世忠大驚。尾擊之。一日值無風。海舟不能動。兀朮乃引其舟出江北去。疾如飛。以火箭射海舟。世忠軍亂奔還。兀朮乃得北遁。統制岳飛邀擊敗之。於六合。初張浚西行。上命浚三年而後用師。及是撻辣兀朮皆在淮東。浚聞兀朮躊躇必再犯東南。議出師攻取以分其勢。士大夫及諸將皆以為不可。浚決策移檄粘罕問罪。遣吳玠入長安。金人遂調

兀朮自京西星馳赴陝西。與婁室合。浚合六路兵。至富平。婁室擁兵驟至。鐵騎直擊環慶路。趙哲軍佗路不援。哲離所部。諸軍退。金遂乘勝而前。浚斬趙哲。諸路兵皆散去。陝西大震。浚駐軍興州。遣劉子羽訪諸將所在。各引所部來會。人心粗安。吳玠走保大散關。東和尚原。（調發道也）○上自海道回駐越州。呂頤浩罷。范宗尹為相。秦檜南歸。趣行在。檜在北。依撻辣為所任用。撻辣南侵。檜參謀其軍。嘗為草檄下山東州郡。擊全家。泛小舟抵連水軍。自言逃歸。朝士多疑之。檜言如欲天下無事。須是南自南。北自北。乞上致書撻辣。以求好。其言皆撻辣意也。○是歲劉豫稱帝。豫景州人。於建炎戊申。以濟南守降金。為之用。得知東平府。兼節制河南。粘罕白金主。循邦昌故事。立豫國號大齊。後遷都于汴。粘罕既得關中地。悉割以與豫。○紹興元年。命張浚討江淮盜李成。成據江淮六七州。連兵數萬。有席卷東南之意。尋陷江筠臨江。浚擊其軍。復三郡。成遁降齊。○張浚盡失陝西之

地惟餘階成岷鳳洮五郡及鳳翔府之和尙原隴州之方山原而已浚退保閬州統制曲端有威名浚先用譖罷其兵柄安置萬州西人倚端爲重及貶軍情不悅至是又送恭州獄殺之士大夫軍民皆悵恨西人益以是非浚（西人）金人分兩道向蜀吳玠與弟璘大敗之於和尙原又選將敗之於箭筈關兩道皆不能入○范宗尹罷秦檜昌言曰我有二策可以聳動天下遂爲右相呂頤浩爲左相（昌言）○兀朮會諸道及女真兵造浮梁於寶雞縣渡渭攻和尙原玠璘三日三十餘戰大破之兀朮中流矢僅以身免始自河東歸燕山○紹興二年上自越州還臨安言者劾秦檜專主和議沮止恢復遠圖檜罷朱勝非爲右相○紹興三年春金撒離曷自鳳翔長安聲言東去實由商於出漢陰直趨金商吳玠急引兵扼之饒風嶺金人間道遠出其後玠遽還仙人關金人遂進陷興元知府劉子羽退保三泉縣潭毒山撒離曷食盡乃引還吳玠以無糧拔寨棄和尙原金人

得之玠度其必深入乃嚴兵以待兀朮果與撒離曷來犯仙人關玠璘與戰七日金人不能支宵遁玠設伏扼其歸路又敗之是舉也金人決意入蜀卒不得志是歲浚又失洮岷關外惟存階成秦鳳浚召還尋與劉子羽皆貶竄浚是行本欲由關陝取中原乃盡喪關陝而歸賴得玠璘保蜀而已（關陝）○齊遣李成攻陷鄧襄隨鄆唐州信陽軍等岳飛復隨鄆成棄襄陽而遁○呂頤浩朱勝非相繼罷趙鼎爲右相○齊以金兵分道南侵上詔親征出如平江以張浚知樞密院先是浚極言北方既無西顧憂必併力窺東南上思其言遂召之浚至請遣岳飛渡江入淮西以牽制北兵之在淮東者從之上命浚視師江上將士見浚來勇氣皆倍時韓世忠駐楊州先已大敗金兵於大儀鎮擒其將撻也解元成閔與戰于承州十三捷仇愈孫暉敗之於壽春安豐王德敗之於滁州岳飛遣牛皋等攻之於廬州撻辣兀朮知爲世忠所扼江不可渡引還齊劉麟劉猷棄輜重遁去（無）

陝已定也 ○紹興五年上自平江還臨安趙鼎張浚為左右相浚兼都督諸路軍馬尋復命浚視師江上浚至鎮江召韓世忠使舉兵移屯楚州浚至建康撫張俊軍至太平州撫劉光世軍無不踊躍思奮以岳飛為河北京西招討使○先是建炎庚戌中有武陵人鍾相起於鼎州僭號楚鼎澧潭辰岳之境皆盜區相敗就擒其徒有楊么者據洞庭遂為劇寇官軍陸襲之則入湖水攻之則登岸曰有能害我除是飛來浚謂上流不先去么為腹心害將無以立國請自行浚至湖南會岳飛兵至急攻其水寨么窮蹙赴水死遂平浚自湖南轉由兩淮會諸將議防秋乃入見除是除俗語猶但防兵防之為防秋 ○金主晟殂諡文烈初旻與晟約兄終弟立而後復歸旻之子故晟捨己子宗盤而立旻長孫曷囉馬為諸版字極烈儲副位也曷囉馬名亶至是遂即位宗盤與旻之別子及粘罕皆爭立而不得粘罕時已失兵柄與悟室並相粘罕絕食縱飲而死蒙國叛金蒙在女真之北在唐為

蒙兀部亦號蒙骨斯○紹興六年張浚復出視師上自臨安如平江齊人分道入寇初劉豫因粘罕得立知奉粘罕而已蔑視他帥及是請兵於金宗盤沮之聽豫自行而遣兀朮提兵黎陽以觀釁劉光世時駐廬州以為難守張俊駐泗州亦請益兵衆情洶懼張浚以書戒俊及光世有進擊無退保趙鼎等請上親書付浚欲退帥還南保江浚力爭以為可保必勝一退則大事去矣光世已舍廬州而退浚即星馳至采石遣人諭其衆若有一人渡江即斬以徇仍督光世復還廬州光世不得已乃駐兵遣王德鬪瓊三敗齊兵於霍北正陽及前羊市時劉猷至淮東阻韓世忠兵不敢進乃從淮西渡浚遣張俊統制官楊沂中至濠州與浚合兵沂中敗猷前鋒猷引兵欲會劉麟于合肥而後進沂中與遇於藕塘合戰猷大敗麟聞猷敗望風潰去光世乘勝追襲亦捷北方大恐上曰克敵之功皆出右相趙鼎遂罷○上皇以五年四月殂至七年春凶問始至壽五十四二帝自建

炎初由燕山如中京古奚國舊郡也在燕山北千里次年又自中京移韓州在中京東北千五百里後二年又自韓州移五國城在金國所都東北千里上皇終焉○岳飛為湖北京西宣撫使時淮東宣撫使韓世忠江東宣撫使張俊皆久已立功而飛以列將拔起世忠俊不平飛屈己下之二人皆不答及飛破楊么俊益忌之於是嫌隙日深上自如平江如建康飛因扈駕以行入見疏論恢復秦檜時為樞密副使主和議忌飛成功沮之飛以內艱去上力起之劉光世以言者論其退帥幾誤事罷兵柄張浚以王德統其軍德與鄺瓊等夷不相下大諛詣督府訴德浚乃召德還為督府都統制而以呂祉為督府參謀領其軍祉簡倨不通將士之情聞瓊等反側密乞罷之瓊叛執祉以所部數萬降齊張浚遂以言罷浚之用德與祉岳飛嘗言其不可浚不聽故敗趙鼎復相（列將飛少事浚為列將內艱每與人以劉豫不能立國廢之齊立八歲而亡）○紹興八年上自建康還臨安

秦檜復相趙鼎罷詔議講和自建炎以來無歲不遣使直願去尊號奉其正朔比於藩臣金人不從使者往多拘囚後數南侵不利知江南不可圖然後遣檜為間至豫廢和議乃決金使張通古來編脩官胡銓上疏以為陛下一屈膝則祖宗廟社之靈盡汚夷狄祖宗之赤子盡為左袵朝廷宰執皆為陪臣異時豺狼無厭安知不加我以無禮如劉豫夫三尺童子無知指犬豕而使拜則佛然怒堂堂天朝相率而拜犬豕曾無童稚之差邪奉使王倫誘致北使以招諭江南為名欲臣妾我執政孫近附會秦檜臣義不與檜等共戴天乞斬倫檜近三人頭竿之藁街然後羈其使責無禮與問罪之師三軍之士不戰而氣自倍不然臣有蹈東海而死耳寧能處小朝廷求活邪書上連貶竄（以招諭江南為名時金以張通古為江南招諭使與倫俱來故李綱亦責其不著國號而曰江南不曰通問而曰招諭是也）○紹興九年金人先以陝西河南地歸宋朝廷遣官謁陵寢交地界除汴京留守（交陵寢朝謁陵寢廟）○青澗城李世輔來歸世輔之先累世為蕃族都

巡檢使父子雖晉仕齊每相泣恨不得歸宋齊用世輔知同州嘗得間生擒撒離曷欲歸朝金兵來追縱之而奔西夏其父母及二子一孫皆被戮至是乞兵於夏以復既出則知陝西已還宋乃部夏兵而來上慰勞加賜賚賜名顯忠（從之）秦州（秦州）金人追兵過秦州則知陝西已還宋乃部夏兵而來上慰勞加賜國有謀反者事連宗盤等皆坐誅左副元帥撻辣實楊割長子金主亶之大父行也自粘罕死宗戚大臣皆懼撻辣與悟室尋亦以謀叛先後誅金與宋和實撻辣主之撻辣既死於是右副元帥兀朮為左相乃密奏於其主以宋未議歲貢正朔誓表册命而撻辣擅許割地遂渝盟（大父）○紹興十年金兵分四道南侵劉錡大破兀朮於順昌府檜急啓上召錡還岳飛敗之於郾城幾擒兀朮飛至朱仙鎮檜急啓上召飛還韓世忠敗金人於淮陽之泃口兀朮還汴檢兩河軍與蕃部以謀再舉○十一年兀朮陷廬州侵和州劉錡楊沂中敗之於橐皋檜又啓上亟班師沂中自瓜州渡返

行在張俊自宣化歸建康劉錡自采石歸太平州罷宣撫司以其兵隸御前選出師時臨時取旨以韓世忠張俊為樞密使岳飛副使飛世忠尋罷兀朮以書抵檜曰爾朝夕以和請而岳飛方為河北圖必殺飛乃可張俊又構成飛罪逮赴獄檜奏誅飛及張憲岳雲和議遂諧歸章太后及徽宗梓宮於宋金人不惟盡悔所許陝西河南地仍割唐鄧等州入金盡淮中流為界西割商秦之半棄和尚方山原時宣撫使吳玠卒四年矣胡世將代之力以和尚原等地為不可棄兀朮必欲之遂以大散關為界于時金國屢有內叛宗戚大臣相繼誅夷且北有蒙兀自號大蒙稱帝改元連歲用兵卒不能討而與之和南侵又不得逞而宋之猛將精兵方日盛恢復實不難沮於秦檜有志之士扼腕歎息兀朮且死曰南朝軍勢強甚宜益加和好俟十數年南軍衰老然後圖之張俊趙鼎皆遠竄鼎卒於海外當時異議之人貶竄殆盡無復敢言兵者（岳飛子）○紹興十

九年。金主亶爲其下所弑。共立丞相岐王亮旻之孫也。○紹興二十年。金主亮以上京僻在一隅。城燕京。徙居之。故燕京析津府爲大興府。號中都。以中京會寧府爲北京。汴京開封府爲南京。而舊遼陽府爲東京。大同府爲西京。如故分蕃漢地爲十四路。置總管府。○二十五年。秦檜卒。檜秉政十八年。臨終猶起大獄。欲殺異己者。張浚。李光。胡寅等五十三人。幸檜病已不能書。得免。沉該。萬俟卨。湯思退。陳康伯。朱倬相繼爲相。○三十一年。欽宗凶問至。以去年冬。殂於五國城。年六十。○金主亮修汴京。蓋經營南侵。幾年矣。嘗因使來。密藏畫工。圖繪臨安山水城市宮室。以歸。題詩其上。有立馬吳山第一峯之句。是秋徙居汴。遂渝盟。舉兵。其母諫殺之。以威衆。兵號百萬。陷淮西諸郡。江淮浙西制置使劉錡遣王權迎敵。權逗留已而退還。奔采石。報至。中外大震。有浮海避狄之議。陳康伯不可。命葉義問視師。中書舍人虞允文參謀軍事。金人陷揚州。趨瓜州。劉錡遣將敗之於阜

角林。有詔令錡還軍。專防江上。金主欲由采石渡。朝廷以李顯忠代權。而未至。金人舟來。虞允文亟督水軍海鯨船迎擊。死鬪。金人不能濟。時亮聞有內變。又聞舟師由海道來者。已爲李寶所焚。而荆鄂諸軍方自上流而下。忿甚。乃回揚州。召諸將約。三日必濟。過期盡殺。諸將遂弑亮。方亮之引而南也。渤海一軍叛去。已擁立葛王襲于遼陽。聞亮死。遂入譙京。追諡亶爲閔宗。廢亮爲海陵王。諡曰煬。褒晟之孫也。後改名雍。先是數年。張浚嘗言。金必渝盟。時相湯思退等大駭。以爲狂。至是浚起。判建康。上自臨安如建康。浚迎謁。衛士見其復用。以手加額。（臨時其上其時曰萬里軍合混同江南那有別提封移兵百萬四湖上立馬吳山第一峯）

○三十二年。上還臨安。金使來。遣使報之。復尋和議。夏六月。上內禪。退居德壽宮。在位三十六年。改元者二。曰建炎。紹興。皇太子立。是爲孝宗皇帝。（孝宗皇帝初名伯琮。宗室。追封秀王。諡安僖。子偁之子。太祖七世孫也。母張氏。夢崔府君擁一羊來。曰。以此爲識。高宗爲康王。出使至磁州。磁人夢

崔府君出迎張氏以是歲丁未生伯琮於秀州有嘉禾之瑞小名羊高宗
 喪太子粵命選太祖之後得伯琮鞠宮中賜名瑗適與崔府君名同封晉
 安郡王秦檜疾其英明而不能害也竟立為皇子賜名璋封楚王紹興末
 賜名脊立為皇太子尋詔即位尊奉上皇帝為光堯壽聖皇帝皇后吳氏
 為壽聖太上皇后（子嗣）秦王德芳之後嗣本字（崔府君）諱名（瑗） ○以史浩為右相
 張浚樞密使督師江淮遂北伐浩不與其議力丐罷李顯忠出濠州趨靈
 壁敗金兵邵宏淵出泗州圍虹縣降金將進克宿州金副元帥紇石烈志
 寧率兵至顯忠與戰連日未決謀報金人大興河南兵將至會宏淵與顯
 忠不相能而顯忠又不犒士士憤怨遂潰而歸金人亦解去上銳意恢復
 是役不利乃復議和陳康伯罷湯思退張浚為左右相浚仍以都督視師
 數月而罷未幾卒浚許國之心白首不渝終身不主和議遺命付其二子
 以不能復中原雪國恥不得耐葬先人之墓（紇石烈）三字姓（志寧） ○湯思退密

有召虞議和之迹言者論罷竄之道死康伯復相和議成先是國書大宋
 去大字皇帝去皇字書用君臣之禮有再拜等語金使至則起立問金主
 起居降坐受書奉使者自同陪臣館伴之屬皆拜其來使至是始稱上為
 宋皇帝止為叔姪之國易歲貢為歲幣歲幣減十萬之數地界如紹興之
 時而餘禮往往竟不能盡改上終身憤之其後屢請還河南陵寢地改受
 書禮金人卒不從蓋上雖有志復讐而無能輔其志者自陳康伯卒後共
 適葉顥魏杞蔣芾陳浚卿虞允文梁克家曾懷葉衡史浩趙雄王淮周必
 大留正相繼為相惟浚卿允文並相時有經營北方之議而浚卿持重卒
 與允文不合允文所為人亦議其虛誕竟不效如浩尤不主用兵必大從
 容廟堂善類多所引進朱熹以淳熙十五年被召必大作相時也初程頤
 卒於徽宗之世其徒楊時在欽宗光堯時皆被擢趙鼎雖不及識頤而主
 張其學惡之者以楊時為還魂鼎為尊魂胡安國為強魂其後又有尹焞

見召入經筵。焯蓋願晚年高弟也。士大夫名程氏之學曰道學。時好所尙或冒此名以進。時好不同。亦多以此名見擠於世。延平李侗受學於楊時之門人羅從彥。而焯又受學於侗。胡銓嘗薦焯於光堯。焯不至。乾道以來屢召不起。特旨改秩奉祠。召入館不就。後爲南康守。浙東荒。除焯提舉。往救之。過闕嘗一入奏事。至是召對。除兵部郎。與侍郎林臬不合。即奉祠去。數月復召。焯辭。惟進封事言天下之大本與今日之急務。大本在陛下之心。急務則輔翼太子。選任大臣。振舉綱維。變化風俗。愛養民力。修明軍政。六者是也。焯之同志有廣漢張栻者。魏忠獻公浚之子。其學得之胡宏。宏安國子也。栻之言曰有所爲而爲者利也。無所爲而爲者義也。學者誦爲名言。稱栻爲南軒先生。有呂祖謙者。公著之五世。希哲之四世孫也。亦祖程氏之學。學者稱爲東萊先生。皆先是數年卒矣。惟焯學問老而彌篤。學者共師宗之。稱爲晦菴先生。四方仰其人。如泰山北斗。南使至北。金人必

問朱先生安在。同時有臨川陸九淵。世號象山先生者。與焯爭論大極圖說。且謂學有悟入。譏焯從事訓解。意見頗立異云。（焯）程氏之派既衰。依楊時復麻其學。故云。國高宗朝加敷文閣直學士。大張氣概。故云。道學得道統之正。與諸家之學之意。一其詞。宋股。國之制。優待者。賢曰之奉祠。即令學。則若。親賜之。秩也。大極圖說。周茂叔所作。其說曰。無極而太極。太極動而生陽。又曰。陰陽一太極也。太極本無極也。九淵曰。○上久有與子之意。會光堯皇帝壽八十二而崩。乃詔內禪。上奉德壽二十六年。孝養備至。既升遐。哀慕尤切。以不得日奉几筵。欲退終喪制。移居重華宮。在位二十八年。金世宗雍以是歲殂。其嗣允恭先卒。孫璟立。雍賢明仁恕。號爲北方小堯舜。故金之大定三十年。與宋之隆興。乾道。淳熙相終始。南北皆得休息。彼此無可乘之釁。上之齋志不克。大有爲者以此。太子立。是爲光宗皇帝。（焯）光堯位也。重華宮。德壽宮。更名也。

〔光宗皇帝〕名惇。年四十四。自東宮受禪。尊太上皇帝。爲至尊壽皇聖帝。周必大罷。留正。葛邲爲左右相。改元曰紹熙。皇后李氏。大將李道女也。惇而

妬欲亟立太子嘉王為儲嗣。因內宴請於壽皇。不許。后不遜。壽皇有怒語。后銜之。乃造誣罔。謂壽皇有廢立意。致上驚恐得疑疾。及聞後宮有暴死者。上震懼。疾愈甚。不復過重華宮。近兩載始一至。壽皇彌不懌。上亦不能視疾。壽皇居重華踰五載。壽六十八而崩。上不能執喪。一日忽仆於地。中外危懼。太皇太后立嘉王。是為寧宗皇帝。太子宜作皇子。得疑疾。疑畏作心疾也。皇后母。

〔寧宗皇帝〕名擴。初封嘉王。孝宗崩。光宗疾病。知樞密院事趙汝愚密建翼戴之議。知憲聖慈烈吳太皇太后以宗社為憂。將白事。而難其人。有知閣門事韓侂胄者。琦之曾孫。而太皇女弟之子也。乃因以入白。太皇垂簾。引嘉王入即位。代執孝宗之喪。中外危疑者乃定。光宗居壽康宮。後六年而崩。壽五十四。上之為嘉王也。黃裳為翊善。講說開導。光宗嘗宣諭曰。嘉王進學。皆卿之功。裳曰。若欲進德修業。追蹤古先哲王。須尋天下第一人。乃

可。問為誰。以朱熹對。彭龜年繼為宮僚。因講每及熹說。上傾心已久。熹在光宗時。守漳州。後守漳州。為湖南安撫。至上登極。首被召除待制兼侍講。熹未至。已聞近習用事。御筆指揮皆有漸深憂之。留正罷。汝愚為相。韓侂胄自負有定策功。希不次之賞。汝愚不肯驟除。遂怨。汝愚為政。方務引進善類。裁抑僥倖。小人滋不悅。相與共排之。朱熹既至上疏忤侂胄。在朝甫四十六日而罷。言者以為熹有宮祠之命。遠近相弔。天下大老去之。誰不欲去。若正人盡去。何以為國。汝愚袖還內批。且諫且拜。不聽。侂胄欲併逐汝愚。而難其名。或教之曰。彼宗姓。誣以謀危社稷。則一網盡矣。侂胄然之。汝愚在相位數月。罷。連貶竄。服藥以死。侂胄用李沐。何澹。劉德秀。胡紘。沈繼相等為鷹犬。搏擊善類。無遺。彭龜年。劉光祖。章穎。葉適。徐誼。沈有開。吳獵。黃由。黃度。鄧嗣。陳傅良。樓鑰。鄭湜。李祥。楊簡。呂祖儉。曾三聘。遊仲鴻。項安世。孫元德。袁燮。陳武。汪逵。范仲黼。黃灝。詹體仁等。貶逐不可勝紀。籍記。

黨人姓名目曰偽學以朱熹為首在籍者數十人蔡元定坐熹累道州編管大學生楊宏中等六人亦坐上書救黨人編管留正以嘗引用黨人亦黜竄俞端禮京鏗謝深甫相繼為相（熹宗慈烈高宗后吳氏尊號）與以後增置（宮僚）東宮官屬（御筆）禁中處分事（付）之外（謂）內批（又謂）御筆（宮詞之命）御批（御批）云（似）編者（艾）恐（難）立（謂）已（除）卿（宮）觀（是）也（也）○朱熹以慶元庚申卒時偽學黨禁雖嚴會葬者亦數千人呂祖泰上書論雪偽學乞誅侂胄及其黨蘇師旦周筠罷逐陳自强之徒召用周必大不然事將不測書出中外大駭杖一百不刺面配欽州必大亦坐謫降熹沒踰年黨禁稍解諸人咸復官自便然消沮變化之餘風俗已大壞矣（不刺）宋制（流配）者（刺）面（刺）也（自便）詳（就）所（便）安（也）○謝深甫罷陳自强為相侂胄以太師平原郡王平章軍國事權傾人主威制上下服御擬於乘輿土木侈於禁苑護者至稱為恩王聖相或作詩九章每章用一錫字侂胄亦不辭稔積罪惡至於生事開邊而極先是有蒙古部興於北方在金世宗時已強盛稱帝至璟立蒙古兵來輒長驅金始多事侂胄聞金有此變

謂中原可圖有吳曦者前蜀帥吳玠之子璘之孫也吳氏世職西陲威行西蜀留其子孫於京蓋累朝遠慮曦有異志久欲歸蜀而不許侂胄遣歸數年蓋欲使西蜀出兵（錫字）疑（九錫也）蒙古部（元國舊號）行（四蜀）○開禧二年丙寅以伐金詔告四方諸路進師曦首以關外四州獻金求封為蜀主尋即稱帝賴李好義楊巨源與安丙密謀曦僭號踰月而誅（四州）陝（成）梁（鳳）李（好）義（順）史（安）丙（順）運（使）密（謀）宋（史）下（有）殺（賊）二（字）○是歲元太祖即位於斡難河之源太祖姓奇渥溫氏諱鐵木真蒙古部人也其先世為蒙古部長及太祖之父曰也速該始併吞諸部落愈強大後追諡曰烈祖神元皇帝初神元征塔塔兒部獲其部長鐵木真宣懿后月倫適生太祖手握凝血如赤石神元異之因以所獲鐵木真名之志武功也元年大會諸王群臣建九游白旗即位郡臣共上尊號曰成吉思皇帝時金章宗泰和六年（遊）旌（旗）之（末）垂（者）○丁卯開禧三年時北伐諸軍所向無不潰敗而退金人大發兵連陷蜀漢荆襄兩淮諸郡東南大

震亟遣使通謝於金而侂胄弄兵之意猶未已中外患之遂有誅兇之議
 皇后楊氏知書史通古今當時侍郎史彌遠建密策而旨從中出者皆后
 實為之一日侂胄入朝彌遠使殿帥夏震以兵邀之塗擁出玉津園椎殺
 之○先是元太祖征西夏拔力吉里塞而還至是秋再征之○戊辰嘉定
 元年陳自強竄死蘇師旦處斬周筠決配侂胄函首謝金和議復成錢象
 祖為相史彌遠累遷與象祖並相象祖罷彌遠獨相決配殺○金章宗璟在
 位二十年而殂無子立世宗之別子允濟於璟為叔○己巳嘉定二年春
 元太祖入河西屢破西夏兵夏主李安全納女請和○庚午嘉定三年金
 謀討元築烏沙堡太祖遣將襲殺其衆遂略地而東初太祖貢歲幣于金
 金主使衛王允濟受貢于靜州太祖見允濟不為禮允濟怒歸欲請兵攻
 之會金主璟殂允濟嗣位有詔至國傳言當拜太祖問金使曰新君為誰
 曰衛王也太祖遽南唾曰我謂中原皇帝是天上人做此等亦為之耶何

以拜為即策馬去金使還言允濟益怒欲俟太祖再入貢而害之太祖知
 之遂與金絕當拜元史南下有受字○辛未嘉定四年春元太祖南侵敗金兵
 襲群牧監驅其馬而還自是連歲攻取金州郡○癸酉嘉定六年金主衛
 紹王允濟在位五年無歲不受兵幾不能支且失將士心為大將所弑追
 廢為東海郡侯立豐王珣璟之兄也是為宣宗太祖分兵三道並進取燕
 南山東河北五十餘郡衛紹王追廢○甲戌嘉定七年元太祖駐蹕燕北金
 主以岐國公主及童男女五百馬三千兼金帛以獻乞和雖見許度不能
 自立於燕五月遷于汴留丞相完顏福興輔太子守忠居燕太祖遣兵圍
 之守忠走汴後一年而燕京陷元兵自河東渡河而南距汴二十里而去
 金人自是地勢益蹙山東叛之東阻河西阻潼關而已欲窺宋川蜀淮漢
 以自廣遂敗盟來侵宋以廣榜募忠義人進討京東路忠義李全以歲戊
 寅率衆來歸全本連水縣弓手在開禧乙丑間已嘗應募焚其縣矣黃榜也

初謂用白紙高宗時始用黃紙前之黃
勅（其真）縣縣爲金人所取全攻而焚之
○丁丑嘉定十年元以木華黎爲太師封國
王率諸軍南征克大名府定益都淄萊等州○戊寅嘉定十一年元木華
黎自西京入河東克太原平陽及忻代澤潞等州是歲伐西夏圍其王城
夏主李遵頊走西涼○高麗王噉降于元請歲貢方物○己卯嘉定十二
年西域殺元使者太祖親征○庚辰嘉定十三年元木華黎徇地至真定
又徇河北諸郡○壬午嘉定十五年元太子拖雷克西域諸城遂與太祖
會秋金主復遣使請和太祖時在同鵲國謂之曰我向令汝主授我河朔
地令汝主爲河南王彼此罷兵汝主不從今木華黎已盡取之乃始來請
耶遂不許○癸未嘉定十六年春三月元太師魯國王木華黎卒○五月
元初置達魯花赤監治郡縣（達魯花赤胡語長官之義州縣各置之）○金章宗珣在位十一年而
殂子守緒立是爲哀宗○甲申嘉定十七年元太祖至東印度駐鐵門關
有一獸鹿形馬尾綠色而一角能作人言謂侍衛者曰汝主宜早還太祖

以問耶律楚材曰此獸名角端能言四方語好生而惡殺此天降符以告
陛下願承天心宥此數國人命太祖即日班師（角端蓋北地異獸楚材因事納忠耳符將瑞）○自歲丁
丑以後宋與金戰雖迭有勝敗然三邊無歲不被其擾上在位三十年改
元者四謙恭仁儉終始如一然慶元嘉泰開禧凡十三年則侂冑之政嘉
定十七年則彌遠之政壽五十七而崩彌遠定策立嗣是爲理宗皇帝
理宗皇帝初名與莒宗室追封榮王諡文恭希瓚之子太宗十世孫也寧
宗子多而不育鞠宗室子名詢立爲太子薨初皇從弟沂靖惠王柄無子
嘗以宗室子賜名貴和爲之後及失太子詢遂立貴和爲皇子賜名竑封
濟國公竑慧而輕嘗疾史彌遠專權謂異日不可容彌遠聞而惡之故陰
爲之計與莒幼不好弄群兒聚嬉輒獨登高坐不動長上見者指以語群
兒曰汝曹不効此人恰一大王相似群兒每羅拜其下遂有趙大王之號
彌遠物色得之嘗取應得舉矣特旨補官竑既爲寧宗子遂以與莒爲沂

王後賜名貴誠除邵州防禦使寧宗大漸乃白中宮以貴誠為皇子改名
 的宣遺詔即位進竝濟陽郡王出判寧國府恭聖仁烈楊后同聽政事定
 然後撤簾（取應得舉）人取應之得○乙酉寶慶元年時外議籍籍有謀作亂立
 竝者事不克皆死李全在楚州與制置許國相失殺國亦以問罪為辭舉
 兵南向圍揚州幾陷（相失與制置使）○丙戌寶慶二年元太祖伐西夏取甘肅
 等州遂踰沙陀至黃河九渡（九渡黃河上流有蛟裂九）○丁亥寶慶三年元滅夏
 以夏主李睨歸○七月元太祖殂于六盤山臨殂謂左右曰金精兵在潼
 關南據連山北限大河難以遽破莫若假道于宋宋金世讐必能許我則
 下兵唐鄧直擣汴京汴急必徵兵潼關然以數萬之衆千里赴援人馬疲
 弊雖至弗能戰破之必矣言訖而殂在位二十二年壽六十六葬起輦谷
 至元二年冬追諡曰聖武皇帝廟號太祖太祖深沉有大略用兵如神故
 能滅國四十其勛績甚衆史之記載不備惜哉○太祖既殂時皇子窩闊

台留霍博之地國事無所屬皇子拖雷監國以俟皇太子至而立之越二
 年皇太子始立是為太宗○己丑紹定二年元太宗名窩闊台太祖第三
 子母曰光獻皇后弘吉刺氏是歲夏奔喪至忽魯班雪不只之地皇弟拖
 雷來見大會諸王百官以太祖遺詔即位始立朝儀皇族尊屬皆就班以
 拜○元始置倉廩立驛傳命○庚寅紹定三年元遣兵取京兆七月太宗
 自將伐金皇弟拖雷姪蒙哥帥師從○辛卯紹定四年春趙范趙葵大敗
 李全于揚州城下時屬上元張燈全置酒高會于平山堂城中諜知夜遣
 兵出其不意劫之全走陷于濠為亂槍所斃其餘奔走北去（揚州城下）
州趙范趙葵敗之全又圍○二月元太宗克鳳翔攻洛陽河中諸城下之五月元
城至是二人出戰大敗之遣使來假道宋殺之○八月元始立中書省改從官名以耶律楚材為中
 書令粘合重山為左丞相鎮海為右丞相（從官名元史作）○十二月元太宗
 取河中太弟拖雷發騎六萬分兵自西和州入興元由金房道襄陽至唐

鄧與金人鏖戰於陽翟。潼藍之戍亦潰。西兵畢至。合圍於汴。○壬辰紹定五年。元太宗自白坡渡河。次鄭州。攻鈞州。克之。遂取商虢嵩汝等十四州。使速不臺圍金汴京。金主遣其弟訛可入質。太宗還。留速不臺守河南。八月。金兵救汴。諸軍與戰。敗之。九月。太弟拖雷卒于師。金主守緒突圍出走。歸德府。○元再使王楫來議。夾攻伐金。京湖制置使史嵩之以聞。朝臣皆以為可。遂復讎之舉。獨趙范不喜。曰：宣和海之上盟。厥初甚堅。迄以取禍。不可不鑑。帝不從。詔嵩之報使許之。嵩之乃遣鄒伸之報謝。且議夾攻汴京。元人許。俟成功以河南地歸宋。宣和海之上盟。宣和元年。徽宗遣王楫使金。約夾攻。遂成。其後。宣和之盟。亦於此。○癸巳紹定六年。金主奔歸德。糧絕。乃趨蔡州。其將崔立以汴京降元。四月。元速不臺進至青城。崔立以金太后王氏。皇后徒單氏。荆王從恪等。至軍。速不臺遣送北還。○元以孔子五十世孫元楷襲封衍聖公。整修孔子廟及渾天儀。○宋丞相史彌遠卒。鄭清之為相。史嵩之為京湖制置使。在襄陽。南北有夾

攻蔡州之約。嵩之遣孟珙以兵四萬人先至。圍其東南。元兵圍其西北。○甲午端平元年正月。金主守緒傳位於宗室子承麟。宋孟珙入蔡州。元師從之。守緒自經死。函其首送于宋。獲承麟。殺之。金自完顏昷稱帝。至是九世。一百一十七年而亡。○夏四月。獻金俘于太廟。會淮帥趙范。趙葵乘金人之亡。為恢復計。朝臣多以為未可。獨鄭清之力主其說。帝乃命范移司黃州。刻日進兵。范參議官丘岳曰：方興之敵。新盟而退。氣盛鋒銳。寧肯損所得。以與人耶。我師若往。彼必突至。非惟進退失據。開釁致兵。必自此始。且千里長驅。以爭空城。得之當勤饋餉。後必悔之。范不聽。史嵩之亦言。荆襄方爾饑饉。未可興師。杜杲復陳出師之害。范葵故荆湖制置使。趙方之子。習於兵。銳意攻取。募山東忠義。皆響應。伸之未回。而宋師出矣。伸之等幾被羈留於燕。詭辭得與。檝俱來。檝曰：何為而敗盟也。自是淮漢之間。無寧日矣。不數日。汴人以城附宋。宋師入汴。即趨洛。元兵戍洛者無幾。姑避去。宋

師入洛不數日糧絕聞元生兵且大至潰而歸咎嵩之主和不肯運糧致誤事○乙未端平二年春元城和林作萬安宮遣諸王拔都太子貴由姪蒙哥征西域太子闊端侵蜀漢太子曲出及胡士虎侵宋唐吉征高麗○丙申端平三年元印造交鈔行之六月耶律楚材請於燕京立編脩所於平陽立經籍所編集經史召儒生梁陟充長官以王萬慶趙著副之秋潤端取宋關外數州十月入成都取秦鞏等四十餘州宋交鈔今日之紙幣是也金幣宋之交會同○時和議既不復諧蜀遂破陷荆襄淮甸無歲不受攻哨攻哨哨指元以耶律楚材言始定天下賦稅上田每畝稅三升中田二升半下田二升水田一畝五升商稅三十分之一五戶出絲一升以給諸王功臣湯沐之賜鹽每銀一兩四十斤永為定額朝臣皆謂太輕耶律楚材曰將來必有以利進者則已為重矣已為重左傳所謂作法於後其弊猶食之也○丁酉嘉灝元年詔經筵進講朱熹通鑑綱目○八月元試諸路儒士中選者除本貫議事官得四千三

十人元兵略地至黃州宋孟珙敗之本貫及第○戊戌嘉灝二年先是杜杲却元人安豐之兵復破蔡罕八十萬兵於廬州後解儀真之圍以功權刑部尚書復進敷文閣學士○呂文德總統兩淮出戰軍馬進淮西招撫使文德安豐人魁梧勇悍微時鬻薪城中帥趙葵道傍見遺履長尺有咫驚訝訪求得之留之麾下後以邊功至顯官也○元塔思軍至北峽關宋將汪統制降先是曲出率張柔等攻鄆州拔之至是宋孟珙復取襄陽○元領中書行省楊惟中建太極書院于燕京延趙復為師時濂溪周子之學未至於河朔惟中用師于蜀湖京漢得名士數十人始知其道之粹乃收集伊洛諸書載送燕京及師還遂建太極書院及周子祠以二程張楊游朱六子配食由是河朔始知道學趙復德安人元太宗時伴德安之民即軍中求儒士二水之間故云六子程顥程頤張載楊時游酢朱熹○庚子嘉灝四年春元太子貴由克西域未下諸部元敕州郡失盜不獲以官物償之國初多盜下令凡失盜去處令本路民

戶代償民苦之多亡命至是罷徵又官民貸回鶻金銀償之者歲加倍謂之羊羔利往往破家至以妻子為質終不能償耶律楚材請悉以官物代還凡七萬六千錠仍令凡假貸歲久惟子本相俸而止著為令（羊羔利利息狀如瓜子金于木于利息本元金）○辛丑淳祐元年宋詔追封周敦頤汝南伯張載邵伯程顥河南伯程頤伊陽伯朱熹徽國公並從祀孔子廟庭黜王安石石從祀帝謁孔子遂臨大學○十一月元太宗出獵殂于鉅鐵鐸胡蘭年五十六葬起輦谷後追諡曰英文皇帝廟號太宗太宗有寬弘之量仁恕之心量時度物舉無過事華夏殷富庶民樂業行旅不齎糧時稱治平元自太宗殂後皇后乃馬真氏臨朝稱制凡五年不立君（初金史云北人呼山曰胡蘭）○甲辰淳祐四年先是鄭清之罷相喬行簡李宗勉等繼為政無所決斷上思史嵩之言自督府入為相雖欲議和輒為衆論所沮嵩之下交彌忠憂聞計數日乃行詔起復為相言者目為權姦力攻之遂不復相范鐘游似鄭

清之謝方叔吳潛董槐程元鳳丁大全等相繼為相每歲以防秋為常事○元中書令耶律楚材卒后嘗以儲嗣事問楚材對曰此非外臣所敢知自有太宗遺詔在守而行之社稷之幸也后嘗以御寶空紙付幸臣與都刺合蠻令自書填行之楚材奏曰天下者先帝之天下朝廷自有憲章今欲素之臣不敢奉詔事遂止復有旨凡與都刺合蠻所奏准令史不為之書者斷其手楚材曰軍國之事先帝悉委老臣令史何與焉事若合理自當奉行如不可行死且不避况斷手乎后以其先朝勳舊曲加敬憚焉楚材天資英邁復出入表雖案牘滿前酬答不失其宜正色立朝不為勢屈欲以身徇天下每陳國家利病生民休戚辭色懇切太宗嘗曰汝又欲為百姓哭耶楚材每言輿一利不若除一害生一事不若減一事平居不妄言笑及接士人溫恭之容溢于外莫不感其德焉（太宗遺詔太宗以孫為嗣故楚材等如以此皇后乃馬真氏不從）

（御寶空紙）御寶空紙空頭也天子印曰御寶准其白取准也准九也（令史）掌立草

○元便宜總帥汪世顯卒世顯善兵能將

重儒愛民勤儉自持有古名將之風。○丙午淳祐六年元定宗即位于速
 蔑禿都定宗名貴由太宗長子也母曰六皇后乃馬真氏初太宗有旨以
 皇孫失烈門為嗣及殂后臨朝稱制者五年乃議立定宗。○戊申淳祐八
 年元定宗尸位三年而殂壽四十三葬起輦谷追諡簡平皇帝。○元自馬
 真氏臨朝以來法制不一內外離心定宗既殂皇后海迷失抱子失烈門
 垂簾聞政諸王大臣不服共議立太弟蒙哥後二年即位是為憲宗。○辛
 亥淳祐十一年元憲宗名蒙哥太祖第四子拖雷之長子先是諸大臣欲
 奉屈出之子失烈門久而不決至是兀良哈歹以太祖諸孫惟憲宗謹慎
 宜立遂大會于瀾帖兀阿蘭之地而即位焉失烈門不服憲宗因察諸王
 有異同者並羈縻之取主謀者誅夷之由是始定（風山）。○余玠大敗元人
 于興元。○元憲宗命太弟忽必烈總治蒙古漢地民戶事開府于金蓮川
 先是姚樞隱居蘇門以道自任太弟召之樞至見太弟聰明才不世出虛

已受言將大有為乃盡其平日所學為書數千言上之首以二帝三王為
 學之本為治之序與治國平天下之大經彙為八目曰脩身力學尊賢親
 親畏天愛民好善遠佞次及時政之弊為條三十本末兼該細大不遺太
 弟太奇其才動必見詢（姚樞柳城人自少力學及得程朱之。○元以史天澤趙壁為
 河南經略使。○壬子淳祐十二年元定宗后及失烈門母以厭禳事覺並
 賜死謫失烈門及其黨於沒脫赤之地。○六月元憲宗以中州漢地封同
 姓太弟於汴京關中自擇其一姚樞曰南京河徙無常土薄水淺瀉鹵生
 之不若關中厥田上上古名天府陸海太弟遂請關中由是太弟有關中
 河南之地（太弟從陸海太上有命特可從遠地不生物種）。○癸丑寶祐元年四川制置使余玠卒以余
 晦為四川宣諭使。○元太弟忽必烈平大理國。○甲寅寶祐二年時余晦
 宜撫四川以私恨誣奏利路安撫王惟忠潛通北境大理陳大方承旨鍛
 成之惟忠將斬於市色不變謂大方曰吾死訴於天既斬血逆流而上未

之（漢）也（漢）名勝、蓋脫之也。○似道自漢陽至鄂督師而太弟忽必烈攻城益急城中死傷者至萬三千人似道大懼密遣宋京詣元營請稱臣納幣太弟不許會合州守王堅遣人走鄂以憲宗計聞于似道似道再遣宋京往元營太弟亦聞阿里不哥欲襲尊號郝經曰若彼果稱遺詔便正位號下詔中原行赦江上欲歸得乎願大王以社稷為念班師議和置輜重率輕騎而歸直造天都遣二軍逆大行靈昇收皇帝璽遣使召旭烈阿里不哥諸王會喪和林差官諸路安輯命王長子真金鎮守燕都示以形勢則大寶有歸而社稷安矣太弟然之乃許似道和且約歲幣之數遂拔寨而去留張傑閻旺以偏師候湖南兀良哈歹之兵（江上）可（江上）編日（江上）作（江上）海上（江上）天都（江上）燕京（江上）二軍（江上）續日（江上）二作（江上）○庚申景定元年元世祖名忽必烈憲宗同母弟也憲宗既歿阿藍答兒渾都海等謀立世祖弟阿里不哥憲宗后聞之遣使馳至鄂請速還春三月至開平諸王大臣同勸進三讓乃即位○元兀良哈歹會張傑于鄂

州帥師北還宋賈似道命夏貴敗其後軍于新生磯遂匿其議和稱臣納幣之事上表言鄂圍始解江面肅清宗社危而復安實萬世無疆之休帝以似道有再造功下詔褒美賞賚甚厚○元阿里不哥僭號于和林城曲（曲）元史作（曲）○五月十九日元建元中統○進中統交鈔（進）元史作（進）○元世祖自將討阿里不哥○元廉希憲大敗西軍于姑臧斬阿藍答兒及渾都海○元以梵僧八合思八為國師（國師）統攝教令○元遣郝經來尋盟且徵前日請和之議賈似道既還朝使其客廖營中撰福華編稱頌鄂功朝廷不知其求和也○元世祖既立廉希憲請遣使以息兵講和好命軍北歸俾恩威並著世祖善之而未得其人王文統素忌郝經才德乃遣經行或謂經曰盍以疾辭經曰自南北構難江淮遺黎弱者被俘略壯者死原野兵連禍結斯亦久矣聖上一視同仁務通兩國之好雖以微軀蹈不測之淵苟能弭兵靖亂活百万生靈於鋒鏑之下吾學為有用矣遂行王文統陰諷李壇侵宋

以姚樞爲中書左丞。樞曰：陛下於基業爲守成，於治道爲創始。正宜睦親族以固本，建儲副以重祚。定大臣以當國，開經筵以格心。修邊備以防虞，蓄糧餉以待歉。立學校以育才，勸農桑以厚生。世祖納之。○呂文德復瀘州。文德號黑灰團，劉整獻言於元曰：南人惟恃黑灰團，然可以利誘。乃遣使獻玉帶於文德，求置榷場於襄城外。文德許之，使曰：南人無信，願築土城以護貨物。文德不許。使者復至，文德請於朝許之。開榷場於樊城外，築土墻於鹿門山外，通互市。內築堡，文德弟呂文煥知，被欺兩申制置。爲吏所匿，元人又於白鶴城築第二堡。文煥再申方達，文德大驚曰：誤朝廷者我也。即請自趣，援會病卒。（黑灰團）文德名，故有此名。榷場，交易所。制置，文德時爲新湖南制置使。○甲子，景定五年七月，彗星長十數丈，芒角燭天。自四更從東見，日高方斂，月餘乃不見。楊棟因指言：蚩尤旗，因此遭論去國。（四更）斗柄少指寅，曉則指午，其間歷五辰，分之五更。蚩尤，天狗也。此說云：蚩尤旗類彗，而後曲象旗，見則王者征伐四方。天狗，謂彗也。○八月，元以燕京爲中都，大興府。劉秉忠請定都于燕，世祖從之。

○元改元至元時，阿里不哥兵屢敗，至是與諸王王龍答失罕、速帶、音里吉合及其謀臣不魯花、脫忽思等來歸，詔諸王皆太祖之裔，並釋不問。其謀臣不魯花伏誅。○元立諸路行中書省。○冬十月，上崩，在位四十一年。改元者八：寶慶、紹定，則彌遠十年之政；端平、初元，善類滿朝，有真德秀、魏了翁等爲執政侍從人，以比慶曆、元祐。自嘉禧以後，至于淳祐，則有嵩之數年之政。嵩之既去，自淳祐至寶祐，正人指邪爲邪，邪人指正爲邪，互爲消長而狼狽莫如。開慶、丁大全之政，景定、改元、大全與吳潛雖人品不同，各以竄死，似道獨相，遂執國政。末年，竊有君臣相猜之跡。未及更變而崩，壽六十一。上臨御以來，終始崇獎周程、張氏及朱、張、呂氏諸儒義理之學，故廟號理宗。太子立，是爲度宗皇帝。（初元）初年，（慶曆）仁宗，（元祐）哲宗，（張氏）橫渠，（張氏）南軒，（呂氏）東萊。○度宗皇帝初名孟啓，福王與芮之子。理宗之猶子也。理宗子多而不育，鞠孟啓於宮中，改名孜，又改名禕，立爲皇子，封忠王。己而建儲，改名壑，歲甲

子即位時則蒙古部國號大元紀元至元之初也賈似道專政進平章軍國重事魏國公立相以自副（猶子而延禮弓云）○臨安府士人葉李蕭規等上書詆似道專權害民誤國似道怒以他事罪竄遠州○詔馬廷鸞留夢炎兼侍讀李伯玉陳宗禮范東叟兼侍講何基徐幾兼崇政殿說書○元以王盤為翰林學士承旨○乙丑咸淳元年元以安童為右丞相伯顏為左丞相以劉秉忠為太保參中書省事○丙寅咸淳二年呂文煥守襄陽元人自開互市以來築城置堡江心起萬人臺撒星橋以遏南兵之援時出師哨掠襄樊城外兵威漸振○似道建第西湖葛嶺自娛五日一乘湖船入朝不趣堂治事吏抱文書就第呈署他相書紙尾而已內外諸司彈劾薦辟舉削非關白不敢行一時正人端士斥罷殆盡吏爭納賂以求美職圖為帥閫監司郡守者貢獻至不可勝計趙潛輩爭獻寶玉貪風大肆兵喪于外匿不以聞民怨于下誅責無稽莫敢言者（臺）政事堂（學）學用（制）制（節）節（帥）圖（將）帥（監）監（司）司（提）提（刑）刑（安）安（撫）撫（運）運（提）

（聯）聯（四）四（監）監（無）無（稽）稽（出）出（左）左（條） ○元立制國用使司以阿合馬為使封世子南木合為北平王○賜日本國王書○初給官吏俸及職田○元封太子忽哥赤為雲南王○丁卯咸淳三年元以史天澤為左丞相忽都答兒耶律鑄降為平章政事伯顏降右丞廉希憲降左丞○戊辰咸淳四年襄陽受圍文煥告急遣高達范文虎赴援道不通二將亦不用命○三學士人上書乞調諸道兵併力救襄不報（三）學（文）學（武）武（學）宗（學）○弓量推排田畝（弓）量（弓）所（所）所（度）度（卒）卒（以）以（量）量（推）推（排）排（田）田（畝）畝（以）以（計）計（增）增（租）租（稅）稅（也）也○葉夢鼎辭位不允徑去○江万里馬廷鸞為相○元立御史臺及諸道提刑按察司行新製蒙古字更號僧八合思馬為帝師築堡鹿門山立諸路蒙古字學○庚午咸淳六年江万里請援兵救襄議不合罷去○上一日問似道曰襄陽受圍三年奈何對曰北兵已退陛下得何人之言上曰適有女嬪言之詰問誣以佗事賜死自是無敢以邊事言者○似道權傾入主護者動以周公輔成王擬之親王外戚宦官近習皆箝制不敢恣當世

望士亦引用登朝為儀羽而服心不在焉在外監司郡守亦參用廉介非其人而得進者各有蹊徑最以吝賞誅貨失將帥心劉整降北獻策取東南謂緩取則經營自獨而下急則由襄淮直進時諸將北降知國虛實者相繼似道方以粉飾大平為事略不為意（望士）有者（儀羽）取焉其羽可用為儀也○元平章政事廉希憲罷世祖嘗令受帝師戒希憲對曰臣已受孔子戒世祖曰汝孔子亦有戒耶對曰為臣當忠為子當孝是也有方士請鍊大丹敕中書給其所需希憲奏曰前世人主多為方士誑惑堯舜得壽不假靈于大丹也世祖善之以許衡為中書左丞時阿合馬專權無上蠹國害民嘗欲以其子典兵柄衡曰國家事權兵民財三者而已父位尙書省典典財而子又典兵甚重世祖曰卿慮阿合馬反耶衡對曰此反道也古者姦邪未有不由此者世祖以衡語語阿合馬阿合馬由是怨衡（希師）八合思馬 見前（大丹）仙藥○辛未咸淳七年元劉秉忠許衡進所定朝儀○立司農司

以張文謙為司農卿○教水軍七萬造戰艦五千築環城以逼襄陽○以許衡為集賢大學士國子祭酒○十月建國號大元詔曰誕膺景命奄四海以宅尊必有美名紹百王而紀統肇從隆古匪獨我家且唐之為言蕩也堯以之而著稱虞之為言樂也舜因之而作號馴致禹興而湯造互名夏大以殷中世降以還事殊非古雖乘時而有國不以義而制稱為秦為漢者蓋從初起之地名曰隋曰唐者又即始封之爵邑是皆徇百姓見聞之狃習要一時經制之權宜槩以至公得無少貶我太祖聖武皇帝握乾符而起朔土以神武而膺帝圖四振大聲大恢土宇輿圖之廣歷古所無頃者者宿詣廷奏章伸請謂既成大業宜早定於鴻名在古制以當然於朕心乎何有可建國號曰大元蓋取易經乾元之義茲大治流形於庶品孰名資始之功予一人底寧為萬邦尤切體仁之要事從因革道協天人於戲稱義而名固匪為之溢美乎休惟永尚不負於投艱嘉與敷天共

隆大號咨爾有衆體予至懷從太保劉秉忠之議也。（註）大（景命）大命（奄）（顯政）

（朕）朕春之朕（祖）神也（晉）也（太祖）銀木真（帝國）帝王（孫）國（何）有（何）憚之有（乾）元（乾）卦（象）傳云（大）說（乾）元（萬物）資始（乃）統（天）（行）雨（施）品（物）流（形）云云（大）治（隆）密（治）作（治）莊（子）所（謂）以（天）地（爲）大（爐）以（造）化（爲）大（冶）是（也）（孰）名（論）語（民）莫（能）名（形）之（意）（底）致（一）寧（爲）（諸）書（爲）作（子）（體）仁（易）文（言）傳（云）君（子）體（仁）足（以）長（民）（我）朕（著）大（誥）云（予）造（天）（役）遠（大）投（獻）于（朕）身（云）云（官）我（所）爲（皆）天（所）役（使）天（實）以（茲）大（者）遠（於）我（之）身（以）我（之）身（也）

○壬申咸淳八年葉夢鼎再相以與似道意不合去○襄陽陷先是理宗初年襄陽以制臣失撫御致王受作亂而陷謝方叔作相喻李會伯遣將取之北方亦不苦爭及劉整策行重兵圍襄陽呂文煥守城六年并禦備至而似道不敢調援雖糧食未乏衣髮薪芻無所措辨至撤廬舍爲薪緝關楮爲衣援兵不至遂以城降爲元人之用（制）臣（制）置（使）也（指）史（蓋）之（也）（劉）整（策）整（策）元（世）祖（也）（關）楮（官）取（物）而（給）印（信）文（憑）曰（之）關（楮）即（後）世（鈔）明

○買似道累章出督而陰諷朝廷留之卒不行○元併尚書省封皇子忙哥刺爲安西王○直學士院文天祥致仕初買似道稱疾乞致仕以爲要君似道諷張立志劾罷之天祥遂引錢若水例乞致仕時年三十七矣（以）爲（上）宜（有）天（祥）二（字）（風）云（云）按（宋）史（此）時（有）帝（勉）留（似）道（令）天（祥）草（詔）天（祥）不（先）呈（稿）於（用）

似道風別院改作之事此書恐脫之（引錢若水例）綱目綱鑑皆作援賜大年故事可從大年非就宗草答契丹詔真宗有所改大年乃求解職

○癸酉咸淳九年平地產白毛如銀線菜臨安尤多元侵樊城守將張漢英及都統制范天順牛富死之○元國子祭酒許衡乞罷許之衡居家勤儉強於自治公愛兼盡不嚴而整閨門之內若朝廷然夫婦相待如賓凡喪葬一遵古制不用佛老懷孟之間化之旁舍有僧德公者年百餘歲嘗謂其徒曰老僧苦行百年亦不能作佛徒爲不孝之人羞見祖宗于地下但願小僧輩還俗以壽汝祖宗之嗣自是不復度弟子蓋化之也（不）孝（孟）子（云）不（孝）有（三）無（後）爲（大）

○甲戌咸淳十年買似道丁母憂隨起復○陳宜中僉書樞密院○七月上崩在位十年改元咸淳壽三十五似道立皇子焮年四歲是爲孝恭懿聖皇帝（編）古（字）

○封兄建國公焮爲吉王弟永國公昺爲信王○元太保劉秉忠卒秉忠以天下爲己任知無不言言無不聽其薦人才各稱器使城開平城燕都

皆秉忠相其地。至是無疾端坐而卒。世祖聞驚悼。謂群臣曰。秉忠事朕三十餘年。小心慎密。其陰陽術數之精。唯朕知之。元命。中書平章史天澤。中書左丞相伯顏。帥諸軍南侵。陸辭。世祖諭之曰。古之善取江南者。唯曹彬一人。汝能不殺。是吾曹彬也。天澤有疾而還。尋卒。先是。世祖遣醫馳視。天澤附奏曰。臣大限有終。死不足惜。第願天兵渡江。以殺掠為戒。言訖而卒。天澤忠亮有大節。出入將相近五十年。柱石四朝。師表百辟。可謂社稷之臣。其視富貴權勢。歛迹退避。若將挽之者。故能善始令終。為開國元臣。臣大命之限。百官之流。○元伯顏丞相大會兵于襄樊。九月。以降人劉整領騎兵出淮。泗。呂文煥領舟師出襄陽。爭先向導。水陸並進。攻沙市。新城。都統邊居誼帥所部三千人。力戰死之。策應使夏貴力戰。元兵出其不意。兵敗。沿西南岸縱火歸廬州。宣撫朱禔孫提重兵不戰歸江陵。○鄂州降。○天目山崩。○詔天下勤王。○乙亥。德祐元年。元伯顏留阿里海牙以兵四萬守鄂。而

與阿朮率大軍渡江。順流東下。時沿江諸將多呂氏部曲。望風降附。○江州降。運使錢真孫自縊。○劉整自愧出淮無功。憤死。無為軍城下。○似道都督軍馬。遷延不出。聞兵已下建康。始率諸軍發行。在迂道而行。數日始達蕪湖。將趨安慶府。牽制下流之師。未至三日。安慶帥范文虎乃呂氏婿。已降。將士無復固志。似道許竭轉官資。諸軍訴曰。要官資做甚。已未庚申。官資何在。似道不能答。鳴鑼一聲。退兵于硃金砂。十三萬眾一時潰散。似道奔入揚州。○楊州（揚州。轉官資。即陸。轉官。與。俗。語。猶。言。供。何。用。已。未。理。宗。明。慶。元。年。庚。申。庚。申。庚。申。庚。申。何。在。當。時。聚。古。來。寇。亦。許。官。資。無。其。實。一。鑄。銅。錢。○江西提刑文天祥募兵勤王。天祥吉州廬陵人也。丙辰。魁進士第。○殿帥韓震謀劫遷都。陳宜中以計誅之。○池州破。通守趙昂發將死。與其妻訣。妻曰。卿能為忠臣。妾顧不能為忠臣。妻耶。昂發喜。具衣冠與俱。縊。明日伯顏入城。見而憐之。具衣棺葬焉。（通守。當。作。通判。○建康破。趙淮死之。○京師戒嚴。朝臣接踵宵遁。○王煥。陳宜中等。劾似道不忠不孝之罪。宜中本受賈恩。至是。亟劾。

張世傑少保。○文天祥至。除右丞相。以與宜中。世傑異意。不肯拜。○九月。天祥開督南劍州。募兵得數千。遂復邵武軍。冬十月。天祥帥師次于汀州。興化軍通判張日中等來會。時贛寇猖獗。血江閩廣之路。日中等聞天祥開督。勤王遂各起兵來應。天祥遣趙時賞。張日中。趙孟傑。將一軍趨贛。以取寧都。遣吳浚將一軍取雩都。劉洙。蕭明哲。陳子敬皆自江西起兵來會。○鄒淵與元人戰于寧都。敗績。武崗教授羅開禮起兵復永豐縣。亦死。天祥爲製服哭焉。○十一月。元阿剌罕。薰文炳入建寧府。遂侵福州。宜中。世傑。奉帝及衛王。楊太后等航海。由潮州至廣州。趨富陽。遷謝女峽。○丁丑。景炎二年。阿剌罕入汀州。文天祥奔漳州。謀入衛。道阻不通。往來江廣間。戰有勝負。○吳浚降于元。因趨漳。說天祥降。天祥責以大義。誅之。○三月。文天祥復梅州。○四月。天祥復興國縣。○五月。張世傑復潮州。○天祥自梅州出江西。遂復會昌縣。與張時賞。張日中之兵皆會之。○元中書政事

廉希憲卒。希憲在江陵。遠近向化。及有疾。召還。民皆垂涕擁送。建祠繪像。以祠之。卒。世祖歎曰。無復有決大事如廉希憲者矣。伯顏亦曰。廉公宰相中真。宰相。男子中真。男子世以爲名言。○六月。天祥敗元人于雩都。遂次于興國縣。秋七月。使張日中。趙時賞等帥師復吉贛諸縣。遂圍贛州。○張世傑回師。由潮州圍泉州。不克。○帝舟遷于潮州之淺灣。○元李恒遣兵援贛。而自將襲天祥于興國。天祥不意。恒猝至。乃引兵走。即鄒淵于永豐。淵兵先潰。恒窮追天祥。天祥至方石嶺。恒及之。鞏信拒戰。箭被體而死。天祥至空坑。恒又及之。張日中奮力戰。元兵少却。恒麾鐵騎橫擊之。日中身被十餘創。猶手刃十餘騎而死。兵盡潰。天祥妻歐陽氏。男佛生。環生。及二女皆見執。趙時賞坐肩輿。元人問爲誰。時賞曰。我姓文。衆以爲天祥禽之。天祥由是得挺身。與其長子道生。及杜濟。鄒淵。乘騎逸去。遂奔循州。散兵頗集。乃屯于南嶺。募僚客將皆被執。時賞至隆興。奮罵不屈。臨刑。劉沐

頗自辨時賞叱曰死耳何必然於是將佐幕屬被執者皆死而天祥妻子家屬送于燕二子死于道劉沐隨書沐作法可從○廣州陷○十一月元劉深以舟師襲淺灣張世傑戰不利奉帝舟走秀山陳宜中之占城求兵遂不復還十二月帝舟遷于并隩颶風作帝有疾元劉深復以舟師來襲并隩執俞如珪帝舟遷于謝女峽坐舟與後坐舟與而在後也非坐舟與之後颶風真四方之風曰颶風○戊寅景炎三年張世傑遣師討雷山不克○三月文天祥會兵次于麗江浦○元以張弘範為都元帥李恒副之帥師入閩廣○帝舟遷于碙州夏四月帝崩于碙州陸秀夫立衛王為帝是為帝昺

帝昺端宗皇帝弟也名昺即位改元祥興皇太后楊氏同聽政先是群臣多欲散去陸秀夫曰度宗皇帝一子尚在將焉置之古人有以一旅一成中興者今百官有司皆具士卒數萬天若未欲絕宋此豈不可為國耶乃與眾共立帝年八歲矣適有黃龍見海中遂改祥興而升碙州為翔龍縣

以陸秀夫為左丞相兼樞密使時播越海濱庶事踈略每時節朝會獨秀夫儼然正笏立如治朝或在行中懷然泣下以朝衣拭淚衣盡濕左右無不悲慟者及拜首相與張世傑共秉政外籌軍旅內調工役凡出其手雖忽遽流離中猶日書大學章句以勸講播越播越頭越忽遽忽遽頭越忽遽○六月帝舟遷于新會之厓山○有太星南流墜海中小星千餘隨之聲如雷數刻乃止○天祥聞帝即位上表自劾敗于江西之罪乞入朝不許而加少保封信國公會軍中大疫士卒多死天祥子道生復亡家屬俱盡不許以外事急也○元以許衡為集賢大學士兼領太史院事○文天祥屯潮陽鄒淵劉子俊皆集師會之遂討盜陳懿劉興于潮興死懿遁道張弘範兵濟潮陽天祥力不支帥其麾下走海豐張弘正追之天祥方飯五坡嶺弘正兵突至眾不及戰皆頓首伏章莽天祥被執吞腦子不死鄒淵自剄劉子俊自詭為天祥冀可免天祥及執天祥至各爭真偽遂烹子俊而執天祥見弘範左右命之拜

天祥不屈弘範釋其縛以客禮見之天祥固請死弘範不許或謂弘範曰敵人之相不可測也不宜近之弘範曰彼忠義也保無他求族屬被俘者悉還之處舟中以自從（屬子本草綱目為附于異名蓋以熱酒服之九竅流血而死天祥不用熱酒故不死云） ○葬端宗于厓山○元阿里海牙自海南還師上都○已卯祥興二年正月元張弘範兵至厓山張世傑力戰禦之弘範無如之何時世傑有甥韓在元師中弘範三使韓至宋師招世傑世傑不從曰吾知降生且富貴但義不可移耳因歷數古忠臣以答之弘範乃命文天祥為書招世傑天祥曰吾不能扞父母乃教人叛父母可乎固命之天祥遂書所過零丁洋詩與之其末有云人生自古誰無死留取丹心照汗青弘範笑而置之弘範復遣人語厓山士民曰汝陳丞相已去文丞相已執汝欲何為士民亦無叛者弘範又以舟師據海口宋師樵汲道絕兵士茹乾糧十餘日而大渴乃下掬海水飲之水鹹飲即嘔泄兵士大困世傑帥蘇劉義方興等旦夕大戰元李恒自

廣州以師會攻弘範命恒守厓山北面（打南留取字無意護助語（汗青）書籍（零丁）周星山河破碎水漂梁身世浮沈風打萍惶恐灘頭說惶恐零丁洋裏歎零丁（陳丞相）相國宜中（吧）吐（泄）瀉 ○二月戊寅朔世傑將陳寶叛降

于元已卯都統張達夜襲元師敗還元人進薄世傑之舟甲申弘範四分其軍自將一軍相去里許令諸將曰宋舟西蟻厓山潮至必東遁急攻之勿令得去聞吾樂作乃戰違令者斬先麾北面一軍乘早潮而戰世傑敗之李恒等順潮退師午潮上元師樂作宋師以為且懈不設備弘範以舟師犯其前南師繼之宋師南北受敵兵士皆疲不能復戰俄有一舟檣旗仆諸舟之檣旗皆仆世傑知事去乃抽精兵入中軍諸軍大潰元師薄宋中軍會日暮風雨昏霧四塞咫尺不辨世傑乃與蘇劉義斷維以十六舟奪港而去陸秀夫走帝舟帝舟大且諸舟環結度不得出走乃先驅其妻子入海即負帝同溺焉帝崩後宮諸臣從死者甚衆越七日屍浮海上者十餘萬人因得帝屍及詔書之寶已而世傑復還厓山收兵遇楊太后欲

奉以求趙氏後而復立之。楊太后始聞帝崩，撫膺大慟曰：我忍死艱關至此者，正爲趙氏一塊肉耳。今無望矣。遂趣海死。世傑葬之海濱。世傑將趨安南，至平章山下，遇颶風大作，舟人欲艤岸。世傑曰：無以爲也。焚香仰天呼曰：我爲趙氏亦已至矣。一君亡復立一君，今又亡。我未死者，庶幾敵兵退，別立趙氏以存祀耳。今若此，豈天意耶？若天不欲我復存趙祀，則大風覆吾舟，舟遂覆。世傑溺焉。宋亡。（旗什）示降也，（維）所以繫船者，（寶）玉，（類）與間關同義，艤，艤岸也。世傑，（一）塊肉，指帝昺。 ○厓山既破，元張弘範等置酒大會，謂文天祥曰：國亡丞相，忠孝盡矣。能改心以事宋者，事今不失爲宰相也。天祥泣然出涕曰：國亡不能救，爲人臣者死有餘罪，況敢逃其死而貳其心乎？弘範義之，遣送于燕京。道經吉州，痛恨不食，八日猶生，乃復食。十月，天祥至燕，不屈繫獄。勵操愈堅。○宋之故臣亦有由嶺海走安南者。安南自其國王李乾德卒於紹興，子陽煥立。陽煥卒，子天祥立。天祥卒於淳熙，子龍翰立。龍翰卒於嘉定，子吳昞立。世奉宋

正朔。當龍翰時，有閩人陳京入其國，得政爲國壻。京子承再世執其國柄，及吳昞時，承奪其國，傳子威冕。理宗受其貢而封之。威冕傳子日照。宋亡，乃改名日烜，奉貢于元。初，邵雍與客語及國祚，取晉出帝紀示之。靖康驗矣。至德祐益險，陳搏亦嘗有一汴、二杭、三閩、四廣之說。宋果至閩廣而盡。自太祖建隆至欽宗靖康，一百六十七年。自高宗建炎至祥興，又一百五十三年。（晉）出帝紀，五代晉出帝爲契丹所執，（靖康）欽宗爲金所執，（德祐）理宗爲元所執，（祥興）理宗爲元所執，（四廣）廣州、閩、帝昺、奔。

右宋自太祖建隆元年庚申至帝昺祥興己卯，凡三百二十年而亡。
按、據此書之例、此宜連本文書。

十八史略讀本卷之七終

版權所有

明治二十六年一月九日印刷
明治二十六年一月十日出版

定價金三十拾二錢
遞送料金六錢

東京麴町區富士見町一丁目卅四番地

發行人

齋藤次郎

印刷人

木田川金松

發行所

全益友社

益友社出版發兌書目

●漢文學講義錄 每月三回發兌
 第五十八號既刊
 定價二部金八錢 十部前金七十錢 二十部前金一圓三十錢
 價●三十部前金一圓九十錢 郵稅一部に付き五厘宛

●左傳講義 第十四號既刊
 定價は漢文學講義錄
 に同じ但郵稅は一錢

●孟子講義 第六號既刊
 定價は漢文學講義錄
 に同じ但郵稅は一錢

●文法學講義 上下合本一冊
 定價金五十錢
 郵稅十錢

●文章軌範 全一冊
 定價十五錢
 郵稅四錢

●麗澤雜誌 第十號既刊
 定價一部二錢五厘
 ●十部前金廿四錢 ●廿部同四十六錢 ●卅部同六十七錢
 ●全國無送送料

●拙堂紀行文詩 全七卷
 合本二冊
 定價六十錢 郵稅六錢

●正文章軌範讀本 全七卷
 合本一冊
 定價十五錢 郵稅四錢

●續文章軌範讀本 全七卷
 合本一冊
 定價十五錢 郵稅四錢

●四書讀本 全四卷
 合本一冊
 定價十五錢 郵稅四錢

●按註史記讀本 全百三十卷
 合本五冊
 定價郵稅共未定

●諸子大意 全四卷
 第一卷既刊
 定價壹冊八錢 全部金卅錢 郵稅每冊一錢


●初學文軌 上中下三冊合本一冊
 定價金十五錢 郵稅二錢

發行所

東京麴町區富士見町一丁目

益友社

注意●定期發兌書は總て初號より缺本なし●爲替拂渡局は神田一ツ橋爲替取扱所宛●郵券代用は一割増



十八史略讀本

003201-000-1

特20-650

十八史略讀本

山田 濟齋/注

M26

ACC-1415

